

M199C: Mittelfränkische Reimbibel (C)

- 0,1a [ane] [dem] [sehsten] [tage] [schuof] [her] [den] [mann]
 0,1b [dem] [solte] [wesen] undertân
 0,2a allez daz habete den leben
 0,2b den solte er ouch den namen geben
 0,3a dô got an den sehs tagen sô ich sagete
 0,3b alle dinc geschaffen habete
 0,4a uns allen er zuo bilede gap
 0,4b daz er êrete den sibeten tac
 0,5a den sulen wir dure daz vîren
 0,5b unde sînen namen êren
 0,6a iz solten drîe himele [wesen]
 0,6b nâch dem daz wir haben gelesen
 0,7a an den mûgen wir [einen] gesên
 0,7b an welicheme dê sterren stên
 0,8a an dem anderen di gotes engele bûwen
 0,8b den ne mac nechein vleischlich ouge schouwen
 0,9a an deme oberesten [restet] gewisse
 0,9b diu heilige drînisse
 0,10a den mûgen mit geistlîchen ougen
 0,10b alle heiligen schouwen
 0,11a zuo deme himele mit gotes kraft
 0,11b wart sanctus Paulus brâht
 0,12a dâ sach er unde gehôrte solich dinc
 0,12b dê er niemanne torste sagen sint
 0,13a sô guotlich unde grôz daz –[...]
 0,14a –[...] er dâ niemanne ne sagete vort
 0,15a daz got Adâmen geschuof von der erde
 0,15b daz tete er deme tiuvele zuo leide unde zuo leideme werde
 0,16a daz diu erde den stuol besæze
 0,16b von deme er inen verstieze
 0,17a dure sînen boesen nît
 0,17b betrouc er daz arme wîp
 0,18a dê nît niemer ne zegêt
 0,18b sô lange diu werlt stât
 0,19a wie lützel half ime daz
 0,19b daz er sô hôhe was gesat
 0,20a wande er an deme stuole mit sîneme gesinde
 0,20b wonete eine unlange stunte

0,21a wande er wart gotes widere
0,21b des viel er sâr nidere
0,22a wande er was boben den engelen allen
0,22b des muoste er diu tieferen vallen
0,23a al wære er an deme oberesten kôre
0,23b er wolte dô noch wesen hôher
0,24a er wolte sich gote gemâzen
0,24b dure den übermuot wart er verstôzen
0,25a unde wart ein tiuvel sô eislich
0,25b sô er êr was ein engel hêrlich
0,26a dô liez ine got mit –[...]
0,208a –[...] wonet
0,209a er is enmitten iuwer hier
0,209b ir ne wizzet sîn niet
0,210a nâh mir komet mîn hêrre
0,210b doch er vore mir wære
0,211a den weiz ich sô gehêren
0,211b ich ne tar in niwet rûeren
0,212a ich ne tar von mînen sünden
0,212b sînen schuohriemen entbinden
0,213a dure ôtmüete daz
0,213b dê guote Johannes sprach
0,214a an deme toufe er in beruorte
0,214b doch er sîne rede sô kêrte
0,215a unse hêrre ouch Johannem lobete
0,215b dô er von ime sagete
0,216a daz nie wîp ne gebære
0,216b ein kint alsô mære
0,217a “wîp” Johannis muoter unse hêrre sagete
0,217b wande er selbe eine maget ze muoter habete
0,218a wir sulen ouch iemer vûre lâzen unsen hêren
0,218b sô sulen wir Johannem unde alle heiligen êren
0,219a iz sagen sumelîche liute
0,219b dê hier minnen guot gewæte
0,220a –[...] [guote] kleider tragen
0,221a wider got der tuot
0,221b dê si treget durh übermuot
0,222a uns saget Johannes evangelista
0,222b von Johanne baptista
0,223a daz sîn kleit wære
0,223b von olbendes hâre
0,224a ne wânte er es necheine sünde haben
0,224b er mohte guote kleider tragen
0,225a lützel was daz muos sîn
0,225b er ne tranc bier noch wîn
0,226a vische noch vleisches er ne gerete
0,226b armelîche er sich nerete
0,227a er wolte durh gotes willen

- 0,227b dissen lîp villen
0,228a daz er des wirdic wære
0,228b daz von ime getoufet würde unse hêrre
0,229a daz er Christum solte toufen
0,229b der uns mit sîneme bluote solte koufen
0,230a der aller sünden was âne
0,230b den toufete er an [deme] [Jordâne]